

Na osnovu člana 69. stav 2. tačka e), člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14) te na preporuku Komisije za nabavke u postupku javne nabavke energenata (uglja i peleta) za potrebe mjesnih zajednica za LOT3.-Nabavka i isporuka peleta, a u vezi sa Rješenjem o prenosu ovlaštenja na državnog službenika u organu državne službe broj: 02-05-3930-2018 od 31.05.2018, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

ODLUKU

o poništenju postupka javne nabavke za LOT3.-Nabavka i isporuka peleta

Član 1.

Poništava se postupak javne nabavke energenata (uglja i peleta) za potrebe mjesnih zajednica za LOT3.-Nabavka i isporuka peleta u skladu sa članom 69. stav 2. tačka e), odnosno iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

Član 2.

Ova odluka objavit će se na web-stranici ugovornog organa (www.tuzla.ba), u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-14-A-003004-2019 od 14.05.2019.godine. Postupak nabavke je proveden putem konkurentskog zahtjeva za dostavu ponuda za koji je objavljeno Obavještenje o nabavci broj: 1004-7-1-55-3-84/19 na Portalu javnih nabavki.

Postupak nabavke provela je Komisija za nabavke imenovana Rješenjem broj: 05-14-A-003004-2019 od 14.05.2019.godine.

U postupku javne nabavke za LOT 3, utvrđeno je sljedeće :

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da je 1 (jedna) prihvatljiva;
- da je 1 (jedna) neprihvatljiva ponuda.

U toku postupka javne nabavke Komisija je utvrdila da je cijena jedine prihvatljive ponude znatno veća od osiguranih sredstava za predmetnu nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama.

Naime, u postupku predmetne nabavke utvrđeno je da je cijena jedine prihvatljive ponude znatno veća od osiguranih sredstava za predmetnu nabavku, odnosno procijenjena vrijednost nabavke je 26.986,93 KM a cijena jedine prihvatljive ponude 35.945,00 KM bez PDV-a.

Iz navedenih razloga, primjenom člana 69. stav 2. tačka e) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove odluke.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju i
poslove mjesnih zajednica
Broj: 05-14-A-003004-2019
Datum, 11.06.2019.godine

Pomoćnik gradonačelnika
za Službu za komunalne poslove,
izgradnju i poslove mjesnih zajednica

mr.sc. Mirela Uljić, dipl.ing.grad.